



# შირაკი

## SHIRAKI

www.open.ge

გამოქვეყნდა 1937 წლიდან

დადოქტორის ნაწილით რედაქციის ხელმძღვანელი

№43 (9.708)

21-28 ნოემბერი 2015 წელი

ფასი: 50 თეთრი

ყოველკვირული გამოცემა

## თანამედროვე სპორტული მოედანი და გახარებული ახალგაზრდობა



20 ნოემბერს დადოქტორის ნაწილით რედაქციის ხელმძღვანელი ნიკოლოზ ჯანიშვილი ქადაგის ზონაში იმყოფებოდა, სადაც მან მიმდინარე ინფრასტრუქტურული პროექტებიც მოინახულა და მოსახლეობის პრობლემები კი-

ნყალგაყვანილობის სისტემისა და გზების სარეაბილიტაციო სამუშაოების პარალელურად მან სოფლის დახმარების პროგრამის ფარგლებში გაკეთებული ინფრასტრუქტურული პროექტებიც მოინახულა და მოსახლეობის პრობლემები კი-

დედ ერთხელ, უშუალოდ მათგან მოისმინა. გამორჩეული და მოულოდნელი შეხვედრა შედგა გამგებელსა და პატარა სპორტსმენებს შორის ახალ სპორტულ მოედანზე სოფელ ქვემო ქედში, სადაც ბავშვები ფეხ-

ბურთს თამაშობდნენ. გამგებელი აქტიურად ჩაერთო სპორტულ ასპარეზობაში და მათთან ერთად მინი-საფეხბურთო მატჩიც ჩაატარა. 12 წლის გიორგი კველაშვილი სოფელ ქვემო ქედში ცხოვრობს. ის გაზეთ „შირაკთან“ საუბრისას იხსენებს, რომ მანამდე სოფლის მოზარდებს სპორტული თამაშებით დაკავება ბალახზე უწევდათ, ახლა კი თანამედროვე სტანდარტების სტადიონი აქვთ. „აქამდე ცოტა ქვემოთ ვთამაშობდით ხოლმე, მინახე და ბალახზე... სოფელში სტადიონი არ გვექონდა და ძალიან არაკომფორტულად ვიყავით. ახლა კი შემოღობილი, ღამით განათებული და თანამედროვე სტანდარტების შესაბამისია. ძალიან კარგია, რომ არც ბურთი გადავარდებთ და ზედმეტად არ ვწვალვართ. მართლა ძალიან მოგვწონს და თანატოლები ხშირად ვიკრიბებით, ფეხბურთს, ან კალათბურთს ვთამაშობთ. ღამთაც განათებულია და გვიან თამაშსაც ვახერხებთ. ბურთი არ გვივარვავა, გაცვეთილის. გამგებელი გვესტუმრა და დაინახა, დაგვიჩვენა, რომ საჩუქრად ორ ბურთს გამოგვიგზავნიოთ,“ - ამბობს მოზარდი.

როგორც დადოქტორის ნაწილით რედაქციის ხელმძღვანელი ამბობს, სტადიონის მოსაწყობად სოფლის დახმარების პროგრამით ქვემო ქედისთვის გათვალისწინებული თანხა საკმარისი არ იყო, რადგან სოფლის პროგრამით აქ სხვა პროექტებიც განხორციელდა. სწორედ ამიტომ, ადგილობრივი ბიუჯეტიდან სტადიონისთვის თანხის დამატება გახდა საჭირო. „ამ სოფელში ბევრი კარგი რამ გაკეთდა, მაგრამ ჩემი აზრით, ერთ-ერთი ყველაზე მნიშვნელოვანი ახალი სტადიონია, რომელიც ახლახან დასრულდა. ძალიან კარგი ადგილი შეიქმნა ამისთვის, ირგვლივ ნაძვების ხეივანია გაშენებული და საუკეთესო გარემოა შექმნილი საიმისოდ, რომ ახალგაზრდობა მოვიდეს, დაისვენოს და ცხოვრების ჯანსაღ წესით იცხოვროს. ვფიქრობ, ქვემო ქედში ეს სტადიონი ახალგაზრდობისთვის და, არა მარტო მათთვის, საუკეთესო თავშესაფარად იქნება. დღეს ვესტუმრეთ, რომ პირადად გვეჩვენა რამდენად კმაყოფილია მოსახლეობა ამ სიახლით,“ - აღნიშნა ნიკოლოზ ჯანიშვილმა. ინგა შილაშვილი ილია მარტყოფილი

## ტერორიზმი - მუდმივი საფრთხე ცვალებადი მიზნებით

“ისლამურმა სახელმწიფომ“ პარიზში განხორციელებულ ტერორისტულ აქტებში პასუხისმგებლობა აიღო. ფრანგული და არაბულენოვანი განცხადებების მიხედვით, თავდასხმაში პასუხი იყო წინასწარმეტყველი მუხამადის შურისძიება და საფრანგეთის მხრიდან “ისლამური სახელმწიფოს” წინააღმდეგ განხორციელებულ საპარო დარტყმებზე. განცხადებაში პარიზი პროსტიტუციის, უხამსოებისა და ევროპის ჯვაროსნული მოძრაობის დედაქალაქად არის მოხსენიებული. ფრანგულენოვან განცხადებაში ნათქვამია, რომ მათი მიზანი იყო “მინიშნა 200 გვაში”. განცხადებაში თავდასხმები შემდეგნაირად არის აღწერილი: “ასაფეთქებელ ქაშაშებში გახვეულმა 8 ძმამ მიზანში ამოიღო საფრანგეთის დედაქალაქის გულში სპეციალურად შერჩეული ადგილები, მათ შორის სტა-

დიონი, სადაც იმართებოდა გერმანელი და ფრანგი ჯვაროსნული გუნდების თამაში და ფრანსუა ოლანდიც იმყოფებოდა.” “ისლამური სახელმწიფო” იმუქრება, რომ საფრანგეთი მთავარ სამიზნედ დარჩება, სანამ ის არ შეწყვეტს მუსლიმების წინააღმდეგ ჯვაროსნულ კამპანიას, თავდასხმები კი მხოლოდ შესავალია იმ შტორმისა, რაც გაფრთხილებების გაუთვალისწინებლობის შემთხვევაში მოხდება: “დაე, იცოდეს საფრანგეთმა და მათ, ვინც პარიზის ქუჩებში დედის, რომ ისინი დარჩებიან “ისლამური სახელმწიფოს” მთავარ სამიზნედ და სიკვდილის სუნი არ მიატოვებს მათ, სანამ არ შეწყვეტენ ჯვაროსნულ კამპანიას...” ხალიფატის მიზანში მუსლიმების წინააღმდეგ გამოყენებული ტერორისტული აქტების მიზანმიმართულობა მათ პარიზის ქუჩებში.

საფრანგეთის პრეზიდენტმა ფრანსუა ოლანდმა აღნიშნული თავდასხმები საომარ ქმედებად შეაფასა, რომელიც ორგანიზებული და დაგეგმილი იყო ქვეყნის გარედან. ოლანდის თქმით, საფრანგეთი “ისლამური სახელმწიფოს” მიერ ჩადენილ ამ “ბარბაროსულ” ქმედებებს დაუნდობლად და შეუბრალებლად უპასუხებს როგორც სამშობლოში, ასევე ნებისმიერ სხვა ტერიტორიაზე”. საფრანგეთის მხარდამჭერი საპროტესტო აქციები იმართება მთელ მსოფლიოში. ნიუ-იორკში ათასობით ამერიკელი შეიკრიბა ლოზუნგით “ნიუ-იორკი პარიზია”. საფრანგეთის და ფრანგი ხალხის მხარდასაჭერად მსოფლიოს უდიდესი ქალაქების მთავარი შენობები ფრანგული დროშის ფერებში განათდა. ძალზე რთულია უამრავი პრობლემით დამძიმებულ დღევანდელ სამყაროში გადაჭრით



გამოყო რომელიმე ტერორიტი, როგორც უმთავრესი, თუმცა ფაქტია, რომ 2001 წლის 11 სექტემბრის შემდეგ ტერორიზმთან ბრძოლა ერთ-ერთ უპირველეს ამოცანად მიიჩნევა. მას შემდეგ ტერორიზმის საფრთხე სულ უფრო მატულობს და ბოლო დროს განვითარებული მოვლენების (უპირველესადა, ისლამური ხალიფატის შექმნა) შემდეგ

კრიტიკულ ნიშნულს გადააბიჯა. შეიძლება თამამად ითქვას, რომ ტერორიზმის მსახვრალი ხელი დღეს პრაქტიკულად ყველა ქვეყანას სწვდება და ბოლომდე დაცულად თავს ვერ ცერტო ქვეყანაში ვერ გრძობენ. მიუხედავად მანამდე განხორციელებული უამრავი შემზარავი ტერორისტული აქტისა, 2001 წელს მსოფლიო (გაგრძელება-გვ.3)

**კომპიუტერი და ჩვენი სამყარო**

გვ.5

**არასამთავრობოების სარეაბილიტაციო პროგრამის**

გვ.8

**„მეიჯარებს 2014 წლის 1 იანვარმდე სასოფლო-სამეურნეო მიწებზე გადაუხდელი თანხები ეხატებათ“**

გვ.2

**თავი ნათესავს ანადგურებს!**

გვ.6





# ღია გაკვეთილები საბავშვო ბაღებში

გასულ კვირას რაიონის ორ საბავშვო ბაგა-ბაღში გახლდით ღია გაკვეთილების მოსასმენად. პირველად სოფელ სამრეკლოს განახლებულ და რესტავრირებულ ბაღში მომინია სტუმრობა. გასულ წელს ამ შენობის პირველი სართული მთლიანად განახლდა. კარში შემოგვეგება დირექტორი მაკა ზურაშვილი და ბაღის მცირე დარბაზში შეგვიძღვა, სადაც პედაგოგი ია გელაშვილი (აღმზრდელის თანაშემწე ეკატერინე ბერიასვილი, ძიხა ნატალია ჯავახიშვილი) ბაგის ჯგუფის აღსაზრდელებთან ერთად დაგვხვდა. შემოდგომის ფერებით მორთულ და დოვლათით დახუნძლული დარბაზის შუაში ია მასწავლებელს ხე „დაურგავს“. ხეზე ძაფით ფერად-ფერადი ფოთლები დაუკიდა. პედაგოგი პატარებს აცნობს იმ ქვეყანას და სოფელს, სადაც ისინი ცხოვრობენ, აცნობს წელიწადის დროებს და უხსნის, რომ ამჯერად შემოდგომაა. პარალელურად ჩნდება კითხვები,

მოგვადგება, როდესაც დგება ჟამი, „აღამიანებმა“ საკუთარ საკუჭნაოებში და თავლებში შენახულ სურსათ-სანოვანებს მოხსნან პირი, რათა დააპურონ, როგორც საკუთარი თავი, ასევე საქონელი.

ამას კიდევ ერთი თამაში მოჰყვა. ბავშვები კალათიდან იღებენ ბოსტნულს და ხილს, ასახელებენ მათ მრავალსახეობას და ფერებს, ამ თამაშში, მიუხედავად იმისა, რომ ეს ბაგის ჯგუფი გახლდათ, მაინც აქტიურობით გამოირჩეოდნენ ბავშვები. ზოგადად, აღსაზრდელთა ჩაცმულობა გლეხის ფორმებში იყო გადაწყვეტილი: - ბიჭუნებს ეცვათ განიერი, გლეხური შარვლები, ნაქსოვი წინდები, ძველი პერანგები და თავზე თუშური ქუდები ეხურათ. გოგონებს წითელი და ლურჯი წინსაფრები ეკეთათ, ისეთივე თავსაფრები წაეკრათ. ღია გაკვეთილი მხატვრული ღონისძიებით გაგრძელდა, ბავშვებმა პატარა ბეკეოს უმღე-

იმავე დღეს ჩვენ გადმოვინაცვლეთ დედოფლისწყაროს N 3 ბაგა-ბაღში, სადაც ჩვენი მასპინძელი გახლდათ ბაღის დირექტორი მაია ფოცხვერაშვილი. აქ 5-6 წლიან ბავშვთა ჯგუფში (პედაგოგი ხათუნა ალუღიშვილი) ღია გაკვეთილი ჩატარა მუსიკის პედაგოგმა ხათუნა ჯანაშვილმა. პედაგოგმა ძალიან საინტერესოდ და ორიგინალურად აუხსნა ბავშვებს შვიდი მუსიკალური ბგერა, შემდეგ მუსიკალური ნოტები გააიგივა ბავშვებისთვის ყველაზე მიმზიდველ ზეცის მოვლენასთან, - ცისარტყელასთან, რომელიც ასევე შვიდი ფერის გამოირჩევა. პედაგოგმა თითოეული ნოტი ცისარტყელის ფერთან შეახამა და ბავშვებს 5 სანოტო ხაზზე შვიდი სხვადასხვა ფერის ნოტი ნებოთი მიამაგრებინა. შემდეგ პატარა კომპოზიტორებმა, რომლებმაც ნოტების ჩანაწერი გააკეთეს, სამუშაო მაგიდასთან შვიდ ფერში ქალაღებზე დახატული ცისარტყელაც გააფერადეს და ამავე თემაზე სიმღერაც შეგვისრულებს. პროგრამა საინტერესოდ და დაამსრე საზოგადოებაში მოწონება დაიმსახურა. ღია გაკვეთილს სააღმზრდელი ცენტრის ხელმძღვანელის და სპეციალისტების გარდა ესწრებოდნენ დედოფლისწყაროს N 2 ბაგა ბაღის და N 1 ბაგა-ბაღების დირექტორები და მუსიკის პედაგოგები.



სადაც ჰიგიენური ნორმის ყველა სტანდარტს იცავენ და უფრო მეტიც, ჩვენს ბაღებს ახლა უკვე სერთიფიცირებული მზარეულები ჰყავს, რომლებმაც გადამზადება გაიარეს ყველა შესაბამის საკითხზე, რაც საქმლის მომზადებას და სამზარეულოს სისუფთავეს შეეხება.

უყურებ ამ ყველაფერს და მახსენდება, ზუსტად ცხრა წლის წინ, ჩემი ჟურნალისტური მოვალეობიდან გამომდინარე, მე მოვითხოვე რაიონის ბაღების შემოწმება, გუშინდელ დღესავით მახსოვს, თუ რა სიტუაცია დამხვდა ამ ბაღში. მე თან მახლდა სანიტარული სამსახურის და ზედამხედველობის სამსახურის თანამშრომელი (პეტრე მამულაშვილის ორგანიზაციიდან) მან ზუსტად ოცამდე დარღვევა აღმოაჩინა ამ ბაღში და რაიონის სხვა ბაღებშიც, რომელი დარღვევებიც მე ჩვენი და რეგიონალური გაზეთის ფურცლებზე გავახმაურე. მახსენდება, თუ როგორი გაზქურები, როგორ



რომელსაც ახლა უკვე აღსაზრდელებმა უნდა უპასუხოთ, თუ წელიწადის რა დროა ახლა და რატომ ჩნდება ხეებზე ფერად-ფერადი ფოთლები?! პედაგოგი ხეზე დაკიდებულ თითოეული ფოთლის ფერს ეკითხება ბავშვებს და როდესაც ისინი პასუხობენ, ყვითელი, მწვანე, წითელი, ყავისფერი, მაშინ ია მასწავლებელი მაკრატლით აჭრის ხეს იმ ფოთოლს, რომლის ფერიც პატარებმა უკვე ამოიცნეს. აღმოჩნდა, რომ ხე ვაშლის ყოფილა, რადგან სულ მაღლა, ხეზე ვაშლის ნაყოფი შემორჩენილა. ხის სულ მაღალ ადგილს რა ჰქვია ბავშვებო?-კენწერო!-პასუხობენ პატარები და ასე თამაშ-თამაშით გვიყვებთან იმას, რაც პედაგოგს უსწავლბია მათთვის. შემდეგ ხე მთლიანად შიმშლდება და სუსხიანი ზამთარიც კარს

რეს, შეძლებისდაგვარად შეასრულეს ცეკვები, სიმღერები და წარმოდგენები. ეს დღე ამ პატარებისთვის, შესაძლოა, დასამახსოვრებელი არ აღმოჩნდეს, რადგან ისინი ძალიან პატარები არიან, თუმცა, ეს დღე დამახსოვრდებათ მათ დედებს, ბებიებს და პაპებს, რადგან ამ დღით ყველაზე მეტად მათი გულები ღელავდნენ და ხარობდნენ.

სოფელ სამრეკლოში ჩატარებულ ღონისძიებას სკოლამდელი და სკოლისგარეშე სააღმზრდელი ცენტრიდან ესწრებოდნენ ცენტრის დირექტორი მაია ხუმარაშვილი და სპეციალისტები ნინო კვიციანიშვილი და მაია ცოგოშვილი, რომლებმაც პედაგოგ ია გელაშვილის მიერ ჩატარებულ გაკვეთილს დადებითი შეფასება მისცეს.



N 3 ბაგა-ბაღში ჩვენი ვიზიტი მნიშვნელოვანი გახლდათ იმ კუთხითაც, რომ ჩვენ გადავავიწყვეთ სამზარეულოში არსებულ დეზობარიერს, ჩავიცვით შესაბამისი დეზინფექციური სამოსი და დავათვალიერეთ სამზარეულოს სათავსოები, კონტინერები და დავესწარით შუადღის სადილის მომზადების პროცესს. მინდა გამოგიტყდეთ, რომ სამზარეულოში ჩემს მიერ ნანახმა ყოველგვარ მოლოდინს გადააჭარბა და თამამად შემიძლია ვთქვა, რომ ჩვენი ბაგა-ბაღების სამზარეულოები თავისი აღჭურვილობით და ყველა ნორმის დაცვით თანამედროვე სტანდარტებს შეესაბამება. ახალი გაზქურები, გამწოვები, მაღალი ხარისხის ქვაბები, ტაფები, ყველაფრისთვის სათითაოდ დიდი კონტეინერები, მაცივრები, ჩაიდნები ამშვენებდა ბაღის სამზარეულოს,

რი იატაკები და როგორი ქვაბები იყო ამ ბაღებში. ახლა, როცა ასეთი დიდი წინსვლა ვიხილ, თვალწინ დამიდგა 9 წლის წინანდელი გარემოება ახლა ისეთი განსხვავებაა იმ ბაღსა და ამ ბაღს შორის, რომ გადმოცემაც კი მიჭირს. ეს შეიძლება ასე შევადაროთ, როგორც თეთრი და შავი, დღე და ღამე. და ამ ყველაფრის ფონზე, უნდა აღვნიშნო, რომ მე დღეს ბედნიერი და ამაყი ვარ, რომ ჩემს მიერ აღმოჩენილი მაშინდელი მანკიერებების კვალი დღევანდელ ბაღებში ფაქტიურად წაშლილია და აღარ არსებობს. ამ ყველაფრისთვის მაღლობა მუნიციპალიტეტის ხელმძღვანელობას, რომელმაც პრიორიტეტად აქცია ბაგა-ბაღების მუშაობა.





# აქვს თუ არა კოოპერატიულ გაერთიანებებს მომავალი?

ფერმერული მეურნეობებისა და სასოფლო-სამეურნეო კოოპერატივების ხელშეწყობის მიზნით, არასამთავრობო ორგანიზაცია „მერსი ქორფსი“ პროექტების კონკურსს ატარებს. კოოპერატივების კონკურსში მონაწილეთა აპლიკაციების მიღება ნოემბრის ბოლოს დასრულდება.

პროგრამის ფარგლებში, ქვეყნის მასშტაბით 70 ფერმერული გაერთიანება შეიქმნება. დღეისათვის დაფინანსებულია 40-მდე პროექტი. დედოფლისწყაროელ ფერმერებს კონკურსში მონაწილეობის საშუალება პირველად მიეცათ.

პროექტით დაინტერესებულ ფერმერებს „მერსი ქორფსის“ წარმომადგენლები დედოფლისწყაროს მუნიციპალიტეტის ადმინისტრაციული შენობის სხდომათა დარბაზში შეხვედნენ და მათთვის საინტერესო შეკითხვებს უპასუხეს. შეხვედრას მუნიციპალიტეტის ხელმძღვანელები და ადგილობრივი ფერმერები ესწრებოდნენ.

დედოფლისწყაროს გამგებელი ნიკოლოზ ჯანიაშვილი დაინტერესდა, რატომ შემოუერთდა დედოფლისწყარო კონკურსის მხოლოდ მუთხე ეტაპზე და რატომ არ გამართეს დონორებმა მსგავსი შეხვედრები ამ რაიონში მანამდე. მითუმეტეს, რომ დედოფლისწყარო სასოფლო-სამეურნეო მუნიციპალიტეტია. აღინიშნა, რომ პროექტის პრეზენტაციები და საკონსულტაციო შეხვედრები ჯერ სხვა რეგიონებში გაიმართა და შემდეგ კახეთის რეგიონში. გამგებელმა ცნორედ ამიტომ დააფიქსირა უკმაყოფილება.

საკრებულოს თავმჯდომარის მოადგილე ნუგზარ პაპიაშვილი კი იმის გარკვევას ეცადა, რა ბერკეტი არსებობს საიმისოდ, რომ

ქმედითუნარიანი კოოპერატივები სახელდახელოდ შექმნილი კოოპერატივებისგან განასხვავონ და სასურველი შეარჩიონ.

პროექტების კონკურსის აქტიური მხარდამჭერია საქართველოს სოფლის მეურნეობის სამინისტრო და მას ევროპის საემბოლო პროგრამის ფარგლებში ევროკავშირი აფინანსებს.

აპლიკაციების მიღება ნოემბრის ბოლოს დასრულდება.

ფერმერი ზურა მასპარაშვილი, რომელიც მესაქონლეობითა დაკავებული, გაზეთ „შირაქთან“ საუბრისას ამბობს, რომ მას კოოპერატივი ჯერ არ აქვს, თუმცა შესვედრა საინტერესო იყო, მისაღები წინადადებები გაჟღერდა და მუშაობა ღირს. კიდევ ერთი ფერმერი გიორგი კვიციანი კი ამბობს, რომ სხვა რაიონებისგან განსხვავებით, ამ დრომდე დედოფლისწყაროელ ფერმერებს არასამთავრობო ორგანიზაციების მხარდაჭერა არ უგრძნიათ.

„ძალიან საინტერესო შეხვედრა იყო, რადგან მიმაჩნია, რომ სოფლის მეურნეობის გაძლიერება ასეთი პროექტებით ნამდვილად შესაძლებელია. აქამდე კოოპერატივი არ გვქონია და არც წევრები ვართ, მაგრამ ვფიქრობ, საინტერესო იქნება შევექმნათ კოოპერატივი, რის შემდეგაც დაფინანსების მოპოვება გახდება შესაძლებელი. რეალური წინადადება მოვისმინეთ“ - აღნიშნავს მასურაშვილი.

„იქიდან გამომდინარე, რომ სოფლის მეურნეობის კუთხით, პროექტების დამფინანსებელი არასამთავრობო სტრუქტურა დედოფლისწყაროში აქამდე არ მოქმედებდა, გული გვწყდებოდა, რომ ბოლო ორი წლის განმავლობაში საქართველოს სხვა რაიონებში ვხედავდით, როგორ გაიცი-



მოდა არასამთავრობო სექტორის მიერ სხვადასხვა სახის გრანტები ამ დარგში კოოპერატივებისთვის. ამდენად დედოფლისწყაროში დღეს გამართული შეხვედრა, ცხადია, მისასალმებელი ფაქტია. მაგრამ უმთავრესი ისაა, საბოლოო ჯამში, რა შედეგები დაიდება,“ - ამბობს ფერმერი გიორგი კვიციანი.

შეხვედრის დასასრულს კომენტარი ვთხოვეთ პროექტის წარმომადგენელს. **თინათინ მანაშვილი, პროექტ „ENPARD“, „მერსი ქორფსის“ სოფლის მეურნეობის კოორდინატორი:** „დედოფლისწყაროში ინფორმაციულ ხასიათს ატარებდა. ჩვენი მიზანი იყო, მუნიციპალიტეტში არსებული უკვე ჩამოყალიბებული კოოპერატივებისთვის და საინიციატივო ფერმერებისთვის მიგვეწოდებინა ინფორმაცია პროექტ „ENPARD“

შესახებ, რომელსაც ვახორციელებთ ჩვენ, „მერსი ქორფსი“, ჩვენ სამ პარტნიორ ორგანიზაციასთან ერთად. თქვენი მუნიციპალიტეტი, სხვა 4 მუნიციპალიტეტთან ერთად, ჩაერთვება კოოპერაციული განვითარების პროექტში, (ანუ ერთი, სილნალის და სამისამცხე-ჯავახეთში, ეს მუნიციპალიტეტები დაემატა სხვა, უკვე არსებულ 16 მუნიციპალიტეტს). ეს შეხვედრა ემსახურებოდა, რომ მიგვეწოდებინა ინფორმაცია ადამიანებისთვის, თუ რას წარმოადგენს ეს პროექტი, რაში შეგიძლია დავეხმაროთ ჩვენ ადგილობრივ ფერმერებს, რომელთაც აქვთ უკვე შექმნილი კოოპერატივები, რომ უფრო მეტად განვითარონ თავიანთი წარმოება და მეტი სოფლის მეურნეობის პროდუქტი აწარმოონ. შეხვედრამ დამანახა, რომ დაინტერესება არის, მაგრამ ვხედავ, ხალხი სკეპ-

ტიკურადაა განწყობილი, ამიტომ ვფიქრობ, სოფლის მეურნეობის სამინისტროს საკონსულტაციო სამსახურმა მეტი სააგიტაციო მუშაობა უნდა ჩაატაროს, რათა ხალხს აუხსნან კოოპერატივების პრიორიტეტები, და რა პრივილეგიებით ისარგებლებენ, თუკი ისინი შექმნიან კოოპერატივებს და რა შედეგებით ისარგებლებენ ფიზიკური პირებისგან განსხვავებით.“

აქვს თუ არა კოოპერაციულ გაერთიანებებს წარმატებული მომავალი საქართველოში, ამას დრო გვიჩვენებს. მანამდე კი იმ სკეპტიციზმის დაძლევაა საჭირო, რომელიც მოსახლეობაში არსებობს და კიდევ, ძველი, კოლმეურნეობებთან პარალელურად გავლების გაგვინისგან გათავისუფლება.

ილია მარტყოფლიშვილი

## თაგვი ნათესებს ანადგურებს!

2014 წლის ზაფხულში ხანგრძლივმა და გაუსაძლისმა გვალვამ ხელცარიელი დატოვა მინათმოქმედები, მაგრამ გასული უხვმოსავლიანი სეზონის შემდეგ გახალისებულმა ხალხმა მინისკენ ისევ იბრუნა პირი. ამას მთავრობის მიერ აგრობარათებზე სოფლის მეურნეობის ხელშეწყობის პროგრამით დარიცხულმა თანხებმაც შეუწყო ხელი და, მართალია, სრულად არა, მაგრამ მაინც ბევრი მოიხნა და საშემოდგომო თავთავიანი კულტურები დაითესა. თუმცა, ჯერ კიდევ ამინდის და ტექნიკის უკმარისობის გამო, მინდვრებში ისევ გუგუნებენ ტრაქტორები და დარჩარებული ტემპით იხვნება და ითესება. პრობლემა კი ის გახლავთ, რომ თითქმის ყველგან, ყველა მინდორში თავგმა იმძლავრა და ჯეჯილს ანადგურებს. ამდენი თავი, დღეს რომ გავრცელდა, არასდროს მიწაზე იხვნებოდა. მინათმოქმედები ცდილობენ, ბრძოლა გამოუცხადონ ამ მავნე და საშიშ მღრღნელს-შლიან წამალს, მაგრამ იმის გამო, რომ ქარსაფარი ზოლებიდან და მოუხნავი ნაკვეთებიდან ისევ გადმოდის თავი და მრავლდება, ერთხელ შენამვლა დიდ შედეგს ვერ იძლევა. საჭიროა მრავალჯერადი და სისტე-

მატური ღონისძიება მის მოსასპობად. მაგრამ უჭირს ხალხს ამ პროცედურების ჩატარება, რადგან ძალიან ძვირია შხამ-ქიმიკატები და მუშა-ხელი. ვფიქრობ, ამ საქმეს უფრო მეტი ხელშეწყობა სჭირდება. კარგი იქნება, თუ ამ პროცესში სოფლის მეურნეობის სამინისტრო, მუნიციპალიტეტის ხელმძღვანელების და სოფლის მეურნეობის საკონსულტაციო სამსახურის წარდგინებით, ჩაერთვება და ხელს შეუწყობს გლეხსა თუ მცირემიწიან მინათმოსარგებლებებს მაინც, ჩაატარონ სათანადო სამუშაოები მოსავლის გადასარჩენად. ამ კუთხით ორი რამ შეიძლება გაკეთდეს: ან დარიცხვას შხამ-ქიმიკატები, (ამის პრაქტიკა გასულ წლებში არსებობდა), ან დაერიცხოს აგრობარათზე თანხა, რომელსაც გამოიყენებს ამ სამუშაოს ჩასატარებლად. არადა, ნამდვილად უქმნის საშიშროებას უზომოდ მოძალებული თავი მოსავალს.

ნაირა გორაშვილი





# არასამთავრობოების საჩუქარი-ბავშვებს



დედოფლისწყაროს მუნიციპალიტეტის სკოლამდელი აღზრდის დანესტრულელებს მსოფლიო ბრენდის „Lego Toys“ სათამაშოები გადაეცათ. საქველმოქმედო აქცია საერთაშორისო არასამთავრობო ორგანიზაცია „Campus Lions Club Tbilisi“ განახორციელა. პროექტის ფარგლებში ორგანიზაციის წარმომადგენლებმა დედოფლისწყაროს 3 საბავშვო ბაღს საბავშვო ბაგა-ბაღს უსასყიდლოდ 20 ყუთი სათამაშო „გადასცეს“. როგორც მისი ხელმძღვანელი რატი ქირია აცხადებს, მსგავსი სახის აქციებს ორგანიზაცია მთელი საქართველოს მასშტაბით ახორციელებს. „ჩვენი ორგანიზაცია საქართველოს ყველა რეგიონს მოივლის და ქვეყნის მასშტაბით 102 საბავშვო ბაგა-ბაღს უსასყიდლოდ დაურიგებს სათამაშოებს. ეს არის ლეგოს კონსტრუქციის სათამაშოები, კარგად მოქმედებს ბავშვის გონება-განვითარებაზე, არის ეკოლოგიურად ჯანსაღი, არ არის შეღებილი და არ ვნებს ბავშვის ჯანმრთელობას“- აცხადებს კამპუს ლაიონს კლუბი თბილისის პრეზიდენტი რატი ქირია. კახეთის რეგიონში მათ სხვა რაიონის საბავშვო ბაღებსაც გაუკეთეს მსგავსი საჩუქარი.



საბავშვო ბაღების აღსაზრდელები ძალიან გაახარა ახალი სათამაშოების მიღებამ. ააიპ „დედოფლისწყაროს მუნიციპალიტეტის სკოლამდელი აღზრდის სამსახურის“ ხელმძღვანელს მათა ყოჩიაშვილს სურვილი აქვს, ყველა დედოფლისწყაროელ აღსაზრდელს ჰქონდეს მსგავსი სათამაშო. „მინდა, ყველა ბავშვი მოიხილოს მსგავსი აქციამ. ჩვენ ველაპარაკეთ ბატონ რატის და ის დაგვიპირდა, რომ მსგავსი სახის აქტივობებს მომავალშიც განახორციელებს“- აღნიშნა მათა ყოჩიაშვილმა.

## ულოცავენ!

### ლალი იაკობიშვილს!

### ვაჟა ჩერქეზიშვილს!

გულწრფელად გვიხარია თქვენი შვილების თორნიკას და თაქოს ბედნიერება. ახლადმეუღლეებულებს ვუსურვებთ ჯანმრთელობას, გამრავლებას. ვისურვებთ მსუბუქად ეტარებინოთ მეუღლეობის არცთუ მსუბუქი უღელი და ღრმა სიბერემდე გაპყროლოდეთ ის სიყვარული, რომელმაც მათი სავალი გზები შეაერთა.

თქვენ კი, კალთა აგვესოთ თვალსაზრისით შეილიშვილებით.

ქ. დედოფლისწყაროს №2 საჯარო სკოლის პედაგოგიკური და ადმინისტრაცია.

## შეჯიბრი კუნბფუ სანდაში

2015 წლის 7-8 ნოემბერს ქ.თბილისში გაიმართა საქართველოს თასის პირველობა კუნბფუ-სანდაში, სადაც მონაწილეობა მიიღო დედოფლისწყაროს რეგიონალური ფედერაციის გუნდმა, კლუბმა „ლეგიონმა“. მონაწილე ექვსი სპორტსმენიდან ექვსივე მოხვდა ფინალში, მათ პირველი ორი შეხვედრა წარმატებით გადალახეს, მაგრამ ფინალში მხოლოდ ერთმა სპორტსმენმა, 15 წლის ლევან ლაშვილმა შეინარჩუნა გამარჯვება, დანარჩენი 5 სპორტსმენი: ბონდარენკო ვოვა, ქოზაშვილი ნუკრი, გავამელიძევილი ოთარი, გუსეინოვი თაზახანი და შანშიაშვილი ნიკოლოზი მეორე ადგილზე გავიდნენ.

ამ მიმე შეჯიბრიდან 4-5 დღის შემდეგ უფრო საპასუხისმგებლო შეჯიბრი ჩატარდა კავკასიის პირველობაზე ხრიდოლში და ბრძოლა წესების გარეშე (MMA), სადაც მონაწილეობდნენ ირანის, აზერბაიჯანის, სომხეთის

და საქართველოს ნაკრები გუნდები. ჩვენმა სპორტსმენებმა აქაც იგივე ტრიუმფით გადალახეს ბარიერი და ფინალში გავიდნენ, მაგრამ ფინალში კვლავ დაკარგეს გამარჯვება და მეორე ადგილებით დაბრუნდნენ. აღსანიშნავია, რომ ამ შეჯიბრში მონაწილეობდა 7 წლის შაინიძე გიორგი, ხოლო დანარჩენი შემადგენლობა იგივე იყო. ფინანსური პრობლემების გამო ექვსი ძლიერი მოთამაშე გაეთიშა თამაშს და ვერ მიიღო მონაწილეობა.

ფედერაციის ხელმძღვანელობა მომავალში მეტ ყურადღებას მოემსახურება მუნიციპალიტეტის გამგეობისა და მშობლებისგან, რათა გაუმჯობესდეს მათი მუშაობა და პირობები, ხოლო გულშემატკვრელებს მადლობას უხდის განუვლი თანადგომისათვის.

კლუბ „ლეგიონის“ ხელმძღვანელი მიხეილ სინიაშვილი.

## იყიდება!

იყიდება კერძო კაპიტალური აგურის სახლი ბელეტაუზე ორი აივნით და მალა-ლჭერიანი სარდაფებით. საერთო ფართი არის 1300 კვ.მ და სახლის ფართი 140 კვ.მ. მისამართი: 9 ძმის ქუჩა.

☎ 577 22 32 19.

ფასი 20 000\$. იკითხეთ ლევან იაკობიშვილი.

ამინდი				დედოფლისწყარო			
ორშაბათი 23.11	სამშაბათი 24.11	ოთხშაბათი 25.11	ხუთშაბათი 26.11	პარასკევი 27.11	შაბათი 28.11	კვირა 29.11	
დღე	ღამე	დღე	ღამე	დღე	ღამე	დღე	ღამე
8°	5°	7°	5°	8°	7°	9°	8°

გამომცემელი შპს „შირაქი“  
 დირექტორი ინგა შილაშვილი  
 რედაქტორი ნაირა გორაშვილი-პოპიაშვილი  
 წერილში მოყვანილ ფაქტებსა და ციფრებს პასუხს აძებს ავტორი.

სარედაქციო კოლეგია: ლალი მხრისაშვილი, ილია მარტყოფლიშვილი (ყურნალისტები); ულა ხარაშვილი (სტილისტ-მწერელი); ნათელა გოსტაშვილი (ბუღალტერი); ნინო ჯანაშვილი (ოფის-მწველი); მზინა ქანაძე (დისტრიბუტორი); ზურაბ გუგუშვილი (კომპიუტერული უზრუნველყოფა).  
 გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.

რედაქციის მისამართი: ქალაქ დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)  
 რეგისტრირებულია დედოფლისწყაროს რაიონის სასამართლოს მიერ, №6014-468.